

PELAJAR 9

PENGARAP

Pengarap siti kelai nyadi murid Yesus. Bala murid Tuhan ti terubah dikelala sebaka 'Orang Ti Arap'. Ko Yesus nyaut, "Enti nuan ulih! Semua utai ulih magang , enti orang bisi pengarap." (Mk 9:23).

Pengarap sebendar iya besangkut enggau Tuhan. Lebu Adam labuh ke dalam dosa, iya pansut ari pengerindu Tuhan nuju ngagai pengidup ti enda besangkut ngagai Tuhan (enda arap). Nya alai Tuhan ngasuh pengarap nyadi lumbur satu lebu ngaga kaul enggau Tuhan. Pengarap siti ari chara ngaga kaul baru kitai enggau Tuhan (arap ngagai Tuhan).

Arap ngagai Tuhan disebut pengarap.

Pengarap nya ngelui ari utai ti ulih diperati ngena lima pengasai kitai: meda, ninga, ngasai, nyium enggau megai. Pengarap ngelepaska kitai ari utai ti enda ulih kitai. Enggau pengarap, kitai mindah ari enda ulih ngagai ulih ba dalam Iya.

Pekara tu siti jalai pengarap ianya kitai semua ngaku. 'nadai utai ti enda ulih' (Matthew 17:20).

A. NAMA PENGARAP NYA?

Pengarap ianya ngasi sereta ngereja utai ti dipadah ka Tuhan. Pengarap ti bendar ianya:

1. Ngasi
2. Ngereja, dikena nimbal
3. Ninga sada Tuhan

"Nyadi pengarap nya kena netap ka utai ti di-adang kitai, kena nentu ka utai ti enda dipeda kitai." (Heb. 11:1).

Pengarap madah ka kitai arap, tentu ulih/amai, tauka arap ka orang bukai tauka jaku iya. Bepengarap ngagai Tuhan madah ka kitai ngalih ari ti arap ka diri empu ngagai arap ka Tuhan. Kitai ngelengka ka semua penemu mabu kitai nya sereta berepun nerima penemu datai ari Tuhan.

B. DUA BENGKAH PENEMU

"Lalu ajar enggau Berita Manah ditusoi aku ukai disebut ngena pengelandik jaku enggau PENEMU MENSIA, tang ngena jaku ti besaksi ka kuasa Roh Kudus. Nya alai pengarap kita mega enda bepanggai atas penemu mensia tang atas kuasa Allah Taala. Taja baka nya, aku nusoi Berita Manah pasal penemu ngagai sida ti udah arap bendar. Tang iya nya ukai penemu ti enggi dunya tu tauka enggi sida ti merintah dunya tu-kuasa sida nya ti deka lenyau kuasa. Penemu ti ditusoi aku, PENEMU ALLAH TAALA TI DALAM, ti dilalai ka ari mensia, tang endang udah diletak iya nyadi ka mulia kitai apin dunya digaga" (1 Kor 2:4-7). Peda mega ba ayat 8-16.

1. Penemu Nitih Ka Peningin Ati

Semua penemu datai ari lima peningin ati mensia ianya: mata meda, pending ninga, hidung ensium, jari ngasai, enggau lidah ensepi. Tang semua utai nya penemu ti mabu, nerang ka penemu mensia!

2. **Penemu ti diayanka Tuhan ngagai mensia**

Penemu tu enda belalau ka utai ti dipeda, didinga, disium, enggau disepi tauka penanggul, tang siti ari pun ti ngena, arap ka jaku Tuhan. Utai tu diterima nengah PEMENDAR Jaku Tuhan. Dipadah ka nengah roh mensia lalu disebut 'penemu Tuhan'.

"Laban pengarap kami bepanggih atas pengarap ukai atas utai ti dipeda" (2 Kor 5:7).

C. **PUN PENGARAP**

Pun pengarap ngagai Tuhan dipeda ari tiga penerang ti beguna:

1. **Pendiau Allah Taala**

"Lebuh Allah Taala ngaga semaya enggau Abraham, Iya besumpah madah ka diri deka ngereja utai ti udah disemaya iya" (Heb 6:13b).

a. **Iya Enda Berubah**

"Aku tu Tuhan lalu enda tau berubah." (Malaki 3:6a). Peda mega Jam 1:17.

b. **Iya enda kala puntan**

"Aku nemu, Tuhan, nuan amat bekuasa; nuan ulih ngaga semua utai ti dikedeka nuan.

c. **Iya Enda Bula**

"Allah Taala enda bula baka mensia. Iya ukai purih Adam ti mungkir semaya. Iya enggai bejako ngapa pia aja, lalu enda ngereja semaya Iya" (Penyampau 23:19). Peda mega Titus 1:2.

2. **Pengawa Anak Allah Taala (Jesus) nebus mensia.**

"Awak ka kitai merening ngagai Jesus, ti endur pengarap kitai bepanggih kenyau ari pun datai ka ujung. Iya enda badu ngapa tegal regang. Laban pengandal ti nganti iya, iya nadai malu mati di atas regang, lalu diatu iya duduk muak ari kanan penuduk Allah Taala." (Heb 12:2). Kristus nyadi pun pengarap kitai ngagai Tuhan. PematI enggau pengangkat Iya nyadi pun pengarap kitai.

"Tang Allah Taala udah mai kita besaum enggau Jesus Kristus, lalu Allah Taala udah ngaga Kristus nyadi ka penemu kita. Ulih Iya kitai digaga lurus di mua Allah Taala; kitai nyadi anemiak Allah Taala ti kudus lalu ditebus" (1 Kor 1:30). Peda mega Rom 5:1,2.

3. **Jaku Allah Taala**

"Langit enggau dunya deka lenyau, tang jaku aku enda nemu lenyau." (Mat 24:35). Peda mega ba Isaia 40:8.

Udah nya Tuhan bejaku enggau aku, "Betul utai ti ko nuan. Aku endang ngemata kena netap ka jaku aku amat nyadi." (Jeremia 1:12). Jaku Iya endang amat belama-lama ia. Pengarap datai lebu Maya Tuhan nyebut leka jaku ti nyemetak, ti di luar ari utai ti udah dipadahka Iya, ti besangkutpaut enggau pendiau kitai. Jaku Tuhan meri pengidup ngagai kitai.

D. BAKANI PENGARAP BEKEREJA

Atur gaya pengarap (Rome 3:27) bekereja dalam pengidup kitai terus menerus, enda ngira utai ti bisi nyadi ba ngelingi kitai (2 Korint 5:7, Jam 1:5,6).

Utai tu bekereja ngena chara:

1. **Tuhan Meri Kitai Pengarap**

Laban ba dalam Injil, pemendar ari Tuhan dipadahka, siti pemendar iya ti ulih pengarap nyadi ari pun datai ka ujung baka ti udah ditulis;

“Iya ti digaga lurus di mua Allah Taala ulih pengarap deka idup baru” (Bandingka Rome 1:17c, enggau Habakuk 2:4b)

Orang ti lurus hidup ulih pengarap iya, ianya pengarap ti diberi Iya nyadi ka pemerri. “Laban ketegal pengasih Allah Taala kita udah di-idup ka baru, ulih pengarap. Nya ukai pengawa kita tang pemerri Allah Taala.” (Epesus 2:8). “...nitih ka pengarap ti diberi Allah Taala ngagai kita” (Rome 12:3).

2. **Pengarap Datai Lebuh Ninga Jaku Tuhan**

Terubah iya Tuhan ngeringka pengarap kitai lebuh Iya nelah ‘jaku’ setipak enggau pendiau kitai. Utai tu nyangka datai ari Injil tauka lebuh ninga munyi nyawa Roh Kudus ba dalam semengat kitai. “Nya alai pengarap datai ari kitai ti ninga Berita Manah, lalu Berita Manah datai ari jaku Kristus” (Rome 10:17; Pemungkal 15:3-5; 17:15-21; Josua 1:8).

3. **Nitihka Perintah Tuhan**

Kitai patut nitihka perintah Tuhan. Pengarap ianya siti utai ti HIDUP enda MATI. Nyau ka semua janji Tuhan bisi atur, Iya deka ngereja pengawa Iya enti kitai ngereja pengawa kitai.

“Nya alai baka nya mega pengarap: enti semina pengarap aja lalu nadai ngereja utai, pengarap nya mati.” (James 2:17). Pedana mega 1:22-25; Pemungkal 15:6; Mat 7:24-27.

4. **Penyarut, Penguji Nguji Pengarap Kitai**

Tu meh maya penguji datai. Semua utai ti bisi nyadi ba ngelingi kita belaban enggau Jaku Tuhan lalu ulih dipeda nyadi ka penerang ti bendar ka pengarap kitai. Ba senentang tu, pengarap kitai semina bepun ari Jaku Tuhan (utai ti udah dipadahka Tuhan ngagai kitai).

Nuan gaga, semina enda lama aja, tang nuan deka merinsa ketegal mayuh macham penguji.

“Gaga kita, taja diatu enda lama kita enda tau enda tusah ati, laban kena penguji ti mayuh. Kebuah pia kena nentu ka pengarap kita endang amat. Indah mas ti tau dirusak, di-uji ngena api; lalu pengarap kita, iya ti lebih agi berega ari mas, enda tau enda di-uji, awak ka ditemu bendar nyambut puji enggau mulia enggau basa, ba Hari Penatai Jesus Kristus.” (1 Pet 1:6,7). Pedana mega Rome 4:16-21; Masmor 105:17-19.

Ba pengarap kitai selalu ngengkah ka diri kitai ba PENALUK HATI IYA. Ba hari-hari ti penuh enggau pemula enggau dosa, Tuhan taluk lalu enda kala ninggal ka kitai.

“Enti kita mungkir, Iya mengkang enda mungkir, laban Iya enda ngemula ka diri empu.” (2 Tim 2:13). “Aku enda ngelengka ka kita; aku enda ninggal ka kita.” (Heb 13:5b).

5. Buah

Ba pengujung, buah selalu mandangka pemenang ngagai orang ti arap, mai pemujur ka Tuhan (James 1:2-4,12; Pemungkal 21:1-3; Masmor 105:19-22; SPKR 3:16; Heb 6:13-15).

“Laban genap iko anak Allah Taala ulih ngalah ka dunya. Lalu kitai menang ngelaban dunya ulih pengarap kitai.” (1 John 5:4).

TANGGUNG PENGAWA AKU

Aku mutuska runding deka idup enggau pecaya sereta arap ka Tuhan dalam semua utai. Aku nemu pengidup aku patut bepanggai ba Tuhan, ianya pengarap ti dipandangka ulih kereja. Dalam semua penanggul, orang ti ngelaban enggau penusah aku deka ngelempaika semua ia ba penaluk Iya. Perening Tuhan ianya mulia Iya sereta pengering Iya ti enda ulih banding. Aku deka ngajar orang bukai awakka bepanggai ba penaluk Iya sereta bejalai enggau penuh pengarap dalam Iya.